

Diedut jagi 2015 nationála geahččalemiid birra - váhnemiidda

Manne nationála geahččaleamit?

Ulbmil nationála geahččalemiiguin lea *árvoštallat* ja *ovdánahttit* ohppiid vuodđogálggaid lohkamis, rehkenastimis ja engelasgiellafágas. Geahččaleamit lohkamis ja rehkenastimis eai leat geahččaleamit fágain dárogiella ja matematihkka, muhto lohkamis ja rehkenastimis vuodđogálgan fágaid rastá. Geahččaleamit engelasgielas čalmmustahttet lohkanipmárdusa, sátneriggodaga ja grammatihka.

Geat galget čadahit guđiid geahččalemiid?

Nationála geahččaleamit čadahuvvojit 5., 8. ja 9. ceahkis. Oahppit 5. ja 8. ceahkis galget čadahit nationála geahččalemiid lohkamis, rehkenastimis ja engelasgielas. Oahppit 9. ceahkis galget čadahit nationála geahččalemiid lohkamis ja rehkenastimis. Dát geahččaleamit leat seamma go 8. ceahkis nu ahte skuvllat sáhttet buohtastahttit 8. ceahki bohtosiid 9. ceahki ektui seamma jagi.

Oahppit 5., 8. ja 9. ceahkis geain lea davvi-, lulli- dahje julevsámeigiella vuosttašgiellan galget čadahit nationála geahččalemiid lohkamis sámegillii. Dát oahppit galget maid čadahit nationála geahččalemiid rehkenastimis sámegillii.

Váldonjuolggadus lea ahte buot oahppit galget oassálastit. Oahppit geain lea vuoigatvuohta oažžut earenoamásoahpaheami dahje vuoigatvuohta oažžut earenoamáš dárogieloahpahusa, sáhttet luvvejuvvot nationála geahččalemiin. Dát oahppit eai galgga automáhtalaččat oažžut luvvema. Sii sáhttet luvvejuvvot jus lea čielggas ahte geahččalemiid bohtosat eai mearkkaš nu olu sin viidáset ohppui. Vaikko oahppis lea vuoigatvuohta luvvemii, sáhtta oahppi ieš dahje su vanhemat liikká mearridit ahte oahppi galgá čadahit geahččaleami.

Makkár bargobihtáid galget oahppit čoavdit?

Geahččaleamit rehkenastimis ja engelasgielas leat elektrovnnalaš geahččaleamit, ja geahččaleamit lohkamis leat báberhámis. Geahččaleamit sistisdollet iešguđetlágan teavsttaid, govaid ja bargobihtáid gažaldagaiguin. Oahppit vástidit rabas bargobihtáid ja mánggaválljenbargobihtáid. Rabas bargobihtáin galgá oahppi vástidit iežas sániiguin dahje loguiguin, ja mánggaválljenbargobihtát mearkkašit ahte oahppi galgá välljet ovttá vástádusa mánggga molssaeavttuid gaskka. Geahččaleamit leat oktiibiddjon álkis, gaskamuddosaš ja váttis bargobihtáiguin vai addet dieduid ohppiid gálggaid birra buot dásiin. Oahpahusdirektoráhta neahttasiidduin, www.udir.no leat ovdamearkkat bargobihtáin mat geavahuvvojit nationála geahččalemiin. Doppe leat maid diimmá elektrovnnalaš nationála geahččaleamit engelasgielas ja rehkenastimis.

Bohtosiid geavaheapmi

Oahpaheaddji galgá oahppái ja váhnemiidda diedihit go geahččalemiid bohtosat leat gárvát. Bohtosat eai galgga geavahuvvot árvosániid bidjamii, muhto vuodđun go galgá árvoštallat mainna oahppi berre bargat eambo. Bohtosiid galgá geahččat ovttas eará dieđuiguin ohppiid birra ja geavahuvvot heivehuvvon oahpahus- ja dađistaga-árvoštallanbarggus. Skuvla sáhtta muitalit dan birra movt sii barget go galget čuovvolit du máná bohtosiid.

Leat dušše oahpaheaddjit ja skuvla mat besset oaidnit bohtosiid oahppidásis. Skuvllas ja oahpaheddiin lea jávohisvuodageasku ovttaskasoahppi geahččalemiid bohtosiid ektui.

Goas čadahuvvojit geahččaleamit 2015 čavčča?

8. ja 9. ceahkkái čadahuvvojit nationála geahččaleamit **čakčamánu 15. b. rájes golggotmánu 9.b. rádjái**. 5. ceahkkái čadahuvvojit nationála geahččaleamit **golggotmánu 13. b. rájes golggotmánu 23.b. rádjái**.

Leat go dus jearaldagat?

Váldde oktavuoda iežat skuvllain dahje loga eanet nationála geahččalemiid birra min neahttasiidduin:

www.udir.no/nasjonaleprover